

ACTA XUNTA ORDINARIA DE FACULTADE

Sesión do 17 de novembro de 2015

Na Sala de Profesores da Facultade de Historia do campus de Ourense, reúnense os membros da Xunta de Facultade, o martes 17 de novembro de 2015, ás 13.00 horas en segunda e definitiva convocatoria, coa seguinte

ORDE DO DÍA

- 1. Lectura e aprobación da acta anterior (15/10/2015)**
- 2. Informe da Decana**
- 3. Aprobación, se procede, do cambio de horario da materia Historia Antiga do noroeste da Península Ibérica proposto pola profesora Rosa Brañas**
- 4. Ratificación da acta dos Premios Extraordinarios de Grao**
- 5. Valoración dos horarios das materias optativas de 4º de grao**
- 6. Aprobación, se procede, do Informe provisional de seguimento relativo ao Grao en Xeografía e Historia e ao Máster en Valoración, Xestión e Protección do Patrimonio Cultural**
- 7. Posibilidade de titorizacións reguladas ao alumnado semipresencial**
- 8. Rolda de intervencións**

- 1. Lectura e aprobación da acta anterior (15/10/2015)**

Apróbase a acta da sesión anterior por asentimento.

- 2. Informe da Decana**

A decana comenta as seguintes cuestións:

- Desculpa a ausencia de: Ladislao Castro (obrigas docentes), M^a Dolores Domínguez, (obrigas laborais), María López (motivos familiares), Ángeles Coello (obrigas académicas), Beatriz Vaquero (obrigas docentes) e Elena de Uña (obrigas docentes)

- Informa que houbo 37 matrículas en 1º de grao fronte ás 39 do curso pasado, co que baixamos en dúas matrículas. Destas 37 matrículas, 16 son da modalidade semipresencial co que podemos concluir que a aposta pola semipresencialidade funcionou, xa que nos axuda a manter un número digno de matrículas de novo ingreso. A alternativa é seguir traballando nesta modalidade porque a tendencia á baixa na modalidade presencial é evidente.

Entre as accións enfocadas á semipresencialidade convóouse ao estudantado a unha titoría. Aínda que houbo pouca asistencia, recollérónse suxestións dos presentes que xa foron transmitidas ao profesorado de 1º curso: subir á plataforma un modelo de exame de cada materia; a posibilidade de facer as preguntas tipo test en moodle sobre cada tema ou bloque temático. Tamén incidiron de forma expresa na importancia dunha titoría presencial co profesorado das distintas materias.

- Comenta a decana que o 12 de novembro saíu publicado un decreto da Xunta relativo ao número mínimo de estudiantes de novo ingreso (45 no grao de campus periféricos/50 nos campus centrais e de 20 no máster). A continuación indícase que se non se acadan os números mencionados o título non se pode impartir para o curso académico seguinte. Comentado o tema co Vicerreitor do campus e coa Vicerreitora de Profesorado explícanlle que a non impartición afecta só aos máster e que o plan de viabilidade do grao en Xeografía e Historia seguirá adiante.
- O noso proxecto, pois, continúa no plan de difusión e publicidade do título. Estamos a contactar coa empresa Xeitura para a difusión do grao entre o alumnado de bacharelato dos institutos de Ourense capital e os más importantes da provincia.
- Lembra a decana ao profesorado que deben cubrir os partes de titorías do PAT antes de que remate o cuadri mestre.
- Informa da posta en marcha do Seminario de investigadores nun espazo cedido pola vicerreitoría. Está ubicado no soto do Edificio de Ferro e disposto para o seu uso. Se os usuarios precisan de algúns mobiliarios maiores do que hai, que por favor o comuniquen no decanato.
- A Unidade Técnica comunicou que se vai a proceder á electrificación da aula 0.5. O inicio da obra está previsto para o 14 de decembro e se espera que dure 2 semanas, por ese motivo deberán trasladarse as clases á aula 2.3.
- Lémbrase que a data límite para facer gasto do VAD do centro é o vindeiro 20 de novembro.

3. Aprobación, se procede, do cambio de horario da materia Historia Antiga do noroeste da Península Ibérica proposto pola profesora Rosa Brañas

A decana informa de que se presentou outra solicitude de cambio de horario por parte do profesor Ángel Domínguez López relativo á materia de Arte clásica. Solicita, que ainda que non apareza na orde do día da xunta, se poda resolver tamén.

Os membros da xunta non teñen inconveniente en aprobar os dous cambios de horario solicitados. Polo que quedarán do seguinte xeito:

- Historia Antiga do Noroeste da Península Ibérica de 4º curso, 1º cuatrimestre: xoves de 12.00-14.00h. e de 16.00-17.00h.

-Arte Clásica de 1º curso, 2º cuatrimestre: mércores de 12.00-13.00h. e de 16.00-18.00h. e os xoves de 13.00-14.00h.

Apróbanse por asentimento.

4. Ratificación da acta dos Premios Extraordinarios de Grao

Reunido o Tribunal dos Premios Extraordinarios de Grao, elevan a acta da súa proposta de candidato para o Premio Extraordinario de Grao do curso académico 2014/15, para que sexa ratificada pola Xunta de Facultade. O alumno egresado proposto é Diego González Montero.

Apróbase a proposta.

5. Valoración dos horarios das materias optativas de 4º de grao

Dende a Dirección de Área de Grao suxiren unha posible modificación da oferta de materias optativas en 4º de grao do plan novo, xa que está descompensado o segundo cuatrimestre na optatividade. Indícanos tamén que non se poden mover de cuatrimestre as materias obligatorias porque suporía un cambio na Memoria do título. Os membros do equipo decanal presentes coinciden coa visión de que a oferta está descompesada, especialmente porque todas as optativas de Historia Moderna e Contemporánea están nese mesmo cuatrimestre e o estudiantado só podería escoller unha delas. Pensa que habería que tratar de compensar a oferta de optativas entre os dous cuatrimestres en relación ao número que deben cursar.

Actualmente a situación é a seguinte: no 1º cuatrimestre habería que cursar 5 materias optativas e se ofertan 7 e no 2º cuatrimestre habería que cursar 1 e se ofertan 4.

Despois de debater as diversas opcións que propoñen representantes do alumnado, o profesor Alberto Valín e o profesor Julio Prada acórdase que tanto os representantes do alumnado coma o profesorado que o deseche, faga as súas propostas por escrito, dirixidas ao decanato, para que na próxima xunta se poda aprobar a opción máis valorada por todos os membros. O prazo fixase ata o 20 de novembro.

6. Aprobación, se procede, do Informe provisional de seguimento relativo ao Grao en Xeografía e Historia e ao Máster en Valoración, Xestión e Protección do Patrimonio Cultural

A xunta e en particular a decana queren agradecer a inestimable colaboración do profesor Antonio Presedo en materia de calidad.

Apróbanse os informes.

7. Posibilidade de titorizacións reguladas ao alumnado semipresencial

A raíz da conversa mantida entre a decana e a Coordinadora da semipresencialidade do grao en Ciencias da Linguaxe e Estudos Literarios que se imparte no campus de Vigo, e de acordo coa coordinadora do noso grao, propónense os seguintes cambios nas guías docentes do vindeiro curso: a regularización de titorías con este alumnado (ben presenciais, ben a través de e-meeting, se conseguimos que nos creen un espacio por docente) e a inclusión nos apartados específicos desta modalidade nas metodoloxías e evaluacións .


Todos os presentes están de acordo en ambas propostas.

8. Rolda de intervencións

Non hai.


E sen máis asuntos que tratar, levántase a sesión ás 13.50 horas, e de todo dou fe como secretaria.

A decana



Susana Reboreda Morillo

A secretaria



MCarmen Arribas Álvarez

XUNTA DE FACULTADE

ORDINARIA

17/11/2015

ARRIBAS ÁLVAREZ, MCARMEN
BARRIOCANAL LÓPEZ, YOLANDA
CALVIÑO FREIRE, DAVID
CASTRO LÓPEZ, LADISLAO
CID NARVÁEZ, DANIEL
COELLO FDEZ, M^a ANGELES
COMENDADOR REY, BEATRIZ
DÍAZ ALONSO, XOEL
DOMÍNGUEZ PEREIRA, M^a DOLORES
FDEZ CONTRERAS, M^a CARMEN
GÓMEZ IGLESIAS, MONTSERRAT
GÓMEZ MANSO, BELÉN
JUANA LÓPEZ, JESÚS DE
LÓPEZ DÍAZ, MARÍA
MORODO DEL RÍO, JOSE
PÉREZ LOSADA, FERMÍN
PÉREZ RODRÍGUEZ, FCO. JAVIER
PRADA RODRÍGUEZ, JULIO
PRESEDO GARAZO, ANTONIO
REAL LÓPEZ, ARTURO
REBOREDA MORILLO, SUSANA
SÁNCHEZ DÍAZ, ROI
SIXIREI PAREDES, CARLOS
UÑA ÁLVAREZ, ELENA DE
VALÍN FERNÁNDEZ, ALBERTO
VAQUERO DÍAZ, BEATRIZ

| ASISTENCIA | AUSENCIA XUSTIFICADA |
|------------|----------------------|
| SI | |
| SI | |
| | NO |
| | SI |
| SI | |
| | SI |
| | SI |
| SI | |
| | SI |
| SI | |
| SI | |
| | NO |
| | NO |
| | SI |
| | NO |
| | NO |
| SI | |
| | NO |
| | NO |
| | SI |
| SI | |
| | SI |